

百衲本

明史

清·張廷玉等撰

國家圖書館出版社

5



百衲本

明史

清·張廷玉等撰

5

國家圖書館出版社



明史卷二百四十五

列傳第一百二十二

敕修

鐵編纂事 經編纂保舉字太保經學士兼管都察院加級發給奉

周起元

繆昌期

周順昌

子茂蘭 朱祖 周宗建 蔣英

黃尊素

李應昇

萬燦 丁乾學等

周起元字仲先海澄人萬曆二十八年鄉試第一明年成進士歷知浮梁南昌以廉惠稱行取入都注湖廣道御史方候命值京察御史劉國縉疑鄭繼芳假書出起

明史卷二百四十五

列傳

一

元及李邦華李炳恭徐縉芳徐良彥手遂目爲五鬼繼芳且入之疏中起元憤上章自明居二年御史命始下會太僕少卿徐兆魁以攻東林爲御史錢春所劾起元亦疏劾之奸人劉世學者誠意伯劉蕡臣從祖也疏詆顧憲成起元憤力斥其謬蓋臣遂託起元益詆憲成起元再疏極論其同官翟鳳翀余懋衡徐良彥魏雲中李邦華王時熙潘之祥亦交章論列且下令捕世學世學遂遁去吏部侍郎方從哲由中旨起官起元力言不可并刺給事中元詩教周永春吏部侍郎李養正郭士望等吏部尚書趙煥出雲中時熙於外起元劾其背旨擅

明史卷二百四十五

列傳

二

權坐停俸煥去鄭繼之代又出之祥及張鍵起元亦抗疏糾駁因言張光房等五人不當擢之部曹與黨人抵牾忌者益衆尋巡按陝西風采甚著卒以東林故出爲廣西參議分守右江道柳州大饑羣盜蠭起起元單騎招剿賊而振恤饑民甚至移四川副使未上會遼陽破廷議通州重地宜設監司乃命起元以參政涖之天啟三年入爲太僕少卿旋擢右僉都御史巡撫蘇松十府公廉愛民絲粟無所取遇大水百方拯卹民忘其困織造中官李實素貪橫妄增定額恣誅求蘇州同知楊姜署府事實惡其不屈撫他事劾之起元至卽爲姜辨寃且上去蠹七事語多侵實實欲姜行屬吏禮再疏誣逮之起元再疏雪姜更切直魏忠賢庇實取嚴旨責起元令速上姜貪劣狀起元益頌姜廉謹誣實誣毀因引罪乞罷忠賢大怒矯旨斥姜爲民起元復劾實貪恣不法數事而爲姜求寬實以此欽威而忠賢遂銜起元不置分守參政朱童蒙者先爲兵科都給事中中以攻鄒元標講學外遷失志狂暴每行道輒鞭撻數十人血肉狼籍起元欲糾之童蒙遂稱病去起元乃列其貪虐狀以聞忠賢遂矯旨削起元籍擢童蒙京卿六年二月忠賢欲殺高攀龍周順昌繆昌期黃尊素李應昇周宗建六人

取實空印疏令其黨李永貞李朝欽誣起元爲巡撫時乾沒帑金十餘萬日與攀龍輩往來講學因行居間矯旨逮起元至則順昌等已斃獄中許顯純酷掠掠竟如實疏懸贖十萬罄貲不足親故多破其家九月斃之獄中吳士民及其鄉人無不垂涕者莊烈帝嗣位贈兵部右侍郎官一子福王時追諡忠惠

繆昌期字當時江陰人爲諸生有盛名舉萬曆四十一年進士改庶吉士年五十有二矣有同年生忌之揚言爲于玉立所薦自是有東林之目張差挺擊事劉廷元倡言瘋癲劉光復和之疏詆發訐者謂不當詫之爲奇

聖鑑三萬五

列傳 三

貨居之爲元功昌期憤語朝士曰奸徒狙擊青宮此何等事乃以瘋癲二字庇天下亂臣賊子以奇貨元功四字沒天下忠臣義士哉廷元輩聞其語深疾之給事中劉文炳劾大學士吳道南遂陰詆昌期時方授檢討文炳再疏顯攻昌期卽移疾去旣而京察廷元輩復思中之學士劉一燝力持乃免天啟元年還朝一燝以次輔當國其冬首輔葉向高至小人間一燝於向高謂欲沮其來向高不悅會給事中孫杰承魏忠賢指劾一燝及周嘉謨忠賢遽傳旨允放昌期急詣向高力言二人顧命重臣不可輕逐內傳不可奉向高怫然曰上所傳何

敢不奉昌期曰公三朝老臣始至之日以去就力爭必可得也若一傳而放兩大臣異日天子手滑不復可止矣向高默然昌期因備言一燝質直無他腸向高意少解會顧大章亦爲向高言之一燝乃得善去兩人故向高門下士也昌期尋遷左贊善進諭德楊漣劾忠賢疏上昌期適過向高向高曰楊君此疏太率易其人於上前時有匡正鳥飛入宮上乘梯手攫之其人挽衣不得上有小璫賜緋者叱曰此非汝分雖賜不得衣也其強直如此是疏行安得此小心謹慎之人在上左右昌期愕然曰誰爲此言以誤公可斬也向高色變昌期徐起

聖鑑三萬五

列傳 四

去語聞於漣漣怒向高亦內慙密具揭請帝允忠賢辭忠賢大愠會有言漣疏乃昌期代草者忠賢遂深怒不可解及向高去韓爌秉政忠賢遂趙南星高攀龍魏大中及漣光斗曠皆具揭懇留忠賢及其黨謂昌期實左右之而昌期於諸人去國率送之郊外執手太息由是忠賢益恨昌期知勢不可留具疏乞假遂落職閒住五年春以汪文言獄詞連及削職提問忠賢恨不置明年二月復於他疏責昌期已削籍猶冠蓋延賓令緹騎逮問踰月復入之李實疏中下詔獄昌期慷慨對簿詞氣不撓竟坐賊三千五毒備至四月晦斃於獄莊烈帝卽

位贈詹事兼侍讀學士錄其一子詔并予諡而是時姚希孟以詞臣持物論雅不善左光斗周宗建力尼之遂并昌期及周起元李應昇黃尊素周朝瑞袁化中顧大章皆不獲諡福王時始諡文貞

周順昌字景文吳縣人萬曆四十一年進士授福州推官捕治稅監高案爪牙不少貸案激民變切辱巡撫袁一驥質其二子并質副使呂純如或議以順昌代順昌不可純如以此銜順昌擢吏部稽勲主事天啟中歷文選員外郎署選事力杜請寄抑僥倖清操嶢然乞假歸順昌爲人剛方貞介疾惡如讐巡撫周起元忤魏忠賢

明史卷三百四十五 列傳 五

削籍順昌爲文送之指斥無所諱魏大中被逮道吳門順昌出餞與同卧起者三日許以女聘大中孫旂尉屢趣行順昌瞋目曰若不知世間有不畏死男子耶歸語忠賢我故吏部郎周順昌也因戟手呼忠賢名罵不絕口旂尉歸以告忠賢御史倪文煥者忠賢義子也誣劾同官夏之令致之死順昌嘗語人他日倪御史當償夏御史命文煥大恚遂承忠賢指劾順昌與罪人婚且誣以賊賄忠賢卽矯旨削奪先所忤副使呂純如順昌同郡人以京卿家居挾前恨數譖於織造中官李實及巡撫毛一鷺已實追論周起元遂誣順昌請囑有所乾沒

與起元等並逮順昌好爲德於鄉有冤抑及郡中大利害輒爲所司陳說以故士民德順昌甚及聞逮者至衆咸憤怒號冤者塞道至開讀日不期而集者數萬人咸執香爲周吏部乞命諸生文震亨楊廷樞王節劉羽翰等前謁一鷺及巡按御史徐吉請以民情上聞旂尉厲聲罵曰東廠逮人鼠輩敢爾大呼囚安在手擲銀鎗於地聲琅然衆益憤曰始吾以爲天子命乃東廠耶盡擁大呼勢如山崩旂尉東西竄衆縱橫毆擊斃一人餘負重傷踰垣走一鷺吉不能語知府寇慎知縣陳文瑞素得民曲爲解諭衆始散順昌乃自詣吏又三日北行一

明史卷三百四十五 列傳 六

驚飛章告變東廠刺事者言吳人盡反謀斷水道切漕舟忠賢大懼已而一鷺言縛得倡亂者顏佩韋馬傑沈揚楊念如周文元等亂已定忠賢乃安然自是緹騎不出國門矣順昌至京師下詔獄許顯純鍛鍊坐贓三千五日一酷掠每掠治必大罵忠賢顯純椎落其齒自起問曰復能罵魏上公否順昌嚙血唾其面罵益厲遂於夜中潛斃之時六年六月十有七日也明年莊烈帝卽位文煥伏誅實下吏一鷺吉坐建忠賢祠純如坐頌璫並麗逆案順昌贈太常卿官其一子給事中瞿式耜訟諸臣冤稱順昌及楊漣魏大中清忠尤著詔諡忠介長

子茂蘭字子佩刺血書疏詣闕懇免詔以所贈官推及其祖父茂蘭更上疏請給三世誥命建祠賜額帝悉報可且命先後慘死諸臣咸視此例茂蘭好學砥行不就廕敘國變後隱居不出以壽終諸生朱祖文者都督先之孫當順昌被逮間行詣都爲納餽粥湯藥及徵賦令急奔走稱貸諸公間順昌輟歸祖文哀慟發病死佩韋等皆市人文元則順昌與隸也論大辟臨刑五人延頸就刃語寇愼曰公好官知我等好義非亂也監司張孝流涕而斬之吳人感其義合葬之虎邱傍題曰五人之墓其地卽一鷲所建忠賢普惠祠址也

明史卷二百四十五

列傳 七

周宗建字季侯吳江人尚書用曾孫也萬曆四十一年進士除武康知縣調繁仁和有異政入爲御史天啓元年爲顧存仁王世貞陶望齡顧憲成請諡追論萬曆朝小人歷數錢夢阜康丕揚元詩教趙興邦亂政罪并詆李三才王圖時遼事方棘上疏責備輔臣無何瀋陽破宗建責當事大臣益急因請破格用人召還熊廷弼已論兵部尚書崔景榮不當信奸人劉保輔臣劉一燝不當抑言路因刺右通政林材光祿卿李本固材本固移疾去魏大中劾王德完庇楊鶴李如楨宗建爲德完力攻大中其持論數與東林左會是歲冬奉聖夫人客氏

既出宮復入宗建首抗疏極諫中言天子成言有同兒戲法宮禁地僅類民家聖朝舉動有乖內外防閑盡廢此輩一切隆恩便思踰分狎溺無紀漸成驕恣覺尊日萌後患難杜王聖朱娥陸令萱之覆轍可爲殷鑒忤旨詰責清議由此重之明年廣寧失廷臣多庇王化貞欲甚熊廷弼罪宗建不平爲劄兩人罪案頗右廷弼諸庇化貞者乃深疾宗建京師久旱五月雨雹宗建謂陰盛陽衰之徵歷陳四事一專譏大學士沈淮一請寬建言廢黜諸臣一言廷弼已有定案不當因此羅織朝士陰刺兵部尚書張鶴鳴給事中郭鞏一則專攻魏進忠畧

明史卷二百四十五

列傳 八

言近日政事外廷嘖嘖咸謂奧窔之中莫可測識諭旨之下有物憑焉如魏進忠者目不識一丁而陛下假之頓笑日與相親一切用人行政墮於其說東西易向而不知邪正顛倒而不覺况內廷之借端與外廷之投合互相扶同離間之漸將起於蠅營讒構之釁必生於長舌其爲隱禍可勝言哉進忠者魏忠賢故名也時方結客氏爲對食廷臣多陰附之其勢漸熾見宗建疏銜次骨未發也鄒元標建首善書院宗建實司其事元標罷宗建乞與俱罷不從巡視光祿與給事中羅尚忠力剔奸弊節省爲多尋請核上供器物中官怒取旨詰責宗

建等再疏力持中人滋不悅給事中郭鞏者先以劾廷弼被謫廷弼敗復官遂深結進忠知進忠最惡宗建乃疏詆廷弼因詆朝廷之薦廷弼者而宗建與焉其鋒銳甚南京御史涂世業和之詆宗建誤廷弼且誤封疆宗建憤疏駁世業語侵鞏挾其結納忠賢事鞏亦憤上疏數千言詆宗建益力并及劉一燝鄒元標周嘉謨楊漣周朝瑞毛士龍方震孺江秉謙熊德陽輩數十人悉指爲廷弼逆黨宗建益憤抗疏力駁其謬且曰李維翰楊鎬袁應泰王化貞皆壞封疆之人也元詩教力主催戰趙興邦賄賣邊臣皆誤封疆之人也其他薦維翰薦鎬

明史卷二百五十五 列傳 九

薦應泰化貞者亦誤封疆之人也鞏胡不一擊之而獨苛求廷弼且詆薦廷弼者爲逆黨哉當是時忠賢勢益盛宗建慮內外合謀其禍將大三年二月遂抗疏直攻忠賢畧言臣於去歲指名劾奏進忠無一日忘臣於是乘私人郭鞏入都嗾以傾臣并傾諸異己者鞏乃勗爲新幽大幽之說把持寮典編廷臣數十人姓名爲一冊思一網中之又爲匿名書羅織五十餘人投之道左給事中則劉弘化爲首次及周朝瑞熊德陽輩若而人御史則方震孺爲首次及江秉謙輩若而人而臣亦其中一人也旣欲羅諸臣以快報復之私更欲獨中臣以釋

進忠之恨是寮典不出於朝廷乃鞏及進忠之寮典也幸直道在人鞏說不行始別借廷弼欲一弄陷之鞏又因臣論及王安笑臣有何瓜葛陛下亦知安之所以死乎身首異處肉飽鳥鳶骨投黃犬古今未有之慘也鞏卽心曜進忠何至背公滅理且牽連劉一燝周嘉謨楊漣毛士龍輩謂盡安黨請陛下窮究安死果出何人傾害則此事卽進忠一大罪案鞏之媚進忠卽此可爲証據矣先朝汪直劉瑾雖皆梟獍幸言路清明臣僚隔絕故非久卽敗今權璫報復反借言官以伸言官聲勢反借權璫以重數月以來熊德陽江秉謙侯震暘王紀滿

明史卷二百五十五 列傳 十

朝薦斥矣鄒元標馮從吾罷矣文震孟鄭鄆逐矣近且扼孫慎行盛以弘而絕其揆路摘瓜抱蔓正人重足舉朝各愛一死無敢明犯其鋒者臣若尚顧微軀不爲入告將內有進忠爲之指揮旁有客氏爲之羽翼外有劉朝鞏爲典兵示威而又有鞏輩蟻附蠅集內外交通驅除善類天下事尚忍言哉疏入進忠益怒率劉朝等環泣帝前乞自髡以激帝怒乃令宗建陳交通實狀將加重譴宗建回奏益侃直進忠議廷杖之閣臣力爭乃止奪俸會給事中劉弘化御史方大任等交章助宗建攻進忠鞏輩復力詆諸人詔下諸疏平議廷臣爲兩解之

乃嚴旨切責奪鞏宗建偉三月是時劉朝典內操遂謀行邊廷臣微聞之莫敢言宗建曰鞏自謂未嘗通內今誠能出片紙過朝吾請爲洗交結之名鞏噤不敢發宗建乃抗疏極諫歷陳三不可九害會朝與進忠有隙事亦中寢其冬出按湖廣以憂歸五年三月大學士馮銓銜御史張慎言嘗論己屬其門生曹欽程誣劾而以宗建爲首并及李應昇黃尊素忠賢遂矯詔削籍下撫按追賊明年以所司具獄緩遣緹騎逮治俄入之李實疏中下詔獄毒訊許顯純厲聲罵曰復能詈魏上公一丁不識乎竟坐納廷弼賄萬三千斃之獄宗建既死徵賊

明史卷三百十五 列傳 十一

益急其所親副使蔣英代之輪亦坐削籍忠賢敗詔贈宗建太僕寺卿官其一子福王時追諡忠毅蔣英嘉善人舉進士歷知松溪漳浦宜興天啓時由南京驗封郎中出爲福建副使遂遭璫禍忠賢敗以故官分巡蘇松坐事貶秩未行而宜興民變上官以英先治宜興得民心檄之撫治宜興非英所轄辭不得則單騎往諭懲豪家僮客數人令亂民自獻其首惡亂遂定宜興故多豪家修撰陳於泰編修陳於鼎兄弟尤橫遂激民變羣執兵鼓譟勢洶洶賴英事旋定而周延儒方枋國與陳氏有連銜英再貶兩秩遂歸鞏還安人以附忠賢驟遷至

兵部侍郎莊烈帝定逆案削籍論配我大清拔還安鞏遁去後詣闕自言拒聘上所撰却聘書兵部尚書梁廷棟論之下獄坐死巡撫楊嗣昌爲訟寬得遺成

黃尊素字真長餘姚人萬曆四十四年進士除寧國推官精敏強執天啓二年擢御史謁假歸明年冬還朝疏請召還余懋衡曹於汴劉宗周周洪謨王紀鄒元標馮從吾而劾尚書趙秉忠侍郎牛應元通政丁啓睿頑鈍秉忠應元俱引去山東妖賊既平餘黨復煽巡撫王惟儉不能撫馭尊素疏論之因言巡撫本內外兼用今盡

明史卷三百十五 列傳 十二

用京卿不若敷歷外服者之練習又數陳邊事力詆大將馬世龍忤樞輔孫承宗意時帝在位數年未嘗一召見大臣尊素請復便殿召對故事面決大政否則講筵之暇令大臣面商可否帝不能用四年二月大風揚沙晝晦天鼓鳴如是者十日三月朔京師地震三乾清宮尤甚適帝體違和人情惶懼尊素力陳時政十失末言陛下厭薄言官人懷忌諱遂有剽竊皮毛莫犯中局者今阿保重於趙嬖禁旅近於唐末蕭牆之憂慘於敵國廷無謀幄邊無折衝當國者昧安危之機誤國者護恥敗之局不於此進賢退不肖而疾剛方正直之士如仇

讐陛下獨不爲社稷計乎疏入魏忠賢大怒謀廷杖之韓爌力救乃奪俸一年旣而楊漣劾忠賢被旨譙讓會素憤抗疏繼之畧言天下有政歸近倖威福旁移而世界清明者乎天下有中外洵洵無不欲食其肉而可置之左右者乎陛下必以爲曲謹可用不知不小曲謹不大無忌必以爲惟吾駕馭不知不可駕馭則不可收拾矣陛下登極以來公卿臺諫累累罷歸致在位者無固志不於此稱孤立乃以去一近侍爲孤立耶今忠賢不法狀廷臣已發露無餘陛下若不早斷彼形見勢窮復何顧忌忠賢必不肯收其已縱之繯而淨滌其腸胃忠

明史卷二百四十五

列傳 三

賢之私人必不肯回其已往之棹而熱消其冰山始猶與士大夫爲讐繼將以至尊爲注柴柵旣固毒螫誰何不惟臺諫折之不足卽干戈取之亦難矣忠賢得疏愈恨萬爌旣廷杖又欲杖御史林汝翥諸言官詣閣爭之小檔數百人擁入閣中攘臂肆罵諸閣臣俯首不敢語尊素厲聲曰內閣絲綸地卽司禮非奉詔不敢至若輩無禮至此乃稍稍散去無何爌以創重卒尊素上言律例非叛逆十惡無死法今以披肝瀝胆之忠臣竟殞於磨牙礪齒之兇豈此輩必欣欣相告吾儕借天子威柄可鞭笞百僚後世有秉董狐筆繼朱子綱目者書曰某

月某日郎中萬爌以言事廷杖死豈不上累聖德哉進廷杖之說者必曰祖制不知二正之世王振劉瑾爲之世祖神宗之朝張璉嚴嵩張居正爲之奸人欲有所逞憚忠臣義士掣其肘必借廷杖以快其私使人主蒙拒諫之名已受乘權之實而仁賢且有抱蔓之形於是乎爲所欲爲莫有顧忌而禍卽移之國家爌今已矣辱士殺士漸不可開乞復故官破格賜卹俾遺孤得扶襯還鄉爌死且不朽疏入益忤忠賢意八月河南進玉璽忠賢欲俟其使命由大明門進行受璽禮百僚表賀尊素上言昔宋哲宗得璽蔡確等競言祥瑞改年元符宋祚

明史卷二百四十五

列傳 十四

卒不競本朝弘治時陝西獻玉璽止令取進給賞五金此祖宗故事宜從事獲中止五年春遣視陝西茶馬甫出都逆黨曹欽程劾其專擊善類助高攀龍魏大中虐餓遂削籍尊素嘗譖敢言尤有深識遠慮初入臺鄒元標實援之卽進規曰都門非講學地徐文貞已叢議於前矣元標不能用楊漣將擊忠賢魏大中以告尊素曰除君側者必有內援楊公有之乎一不中吾儕無噍類矣萬爌死尊素諷漣去漣不從卒及於禍大中將劾魏廣徵尊素曰廣徵小人之包羞者也攻之急則挺而走險矣大中不從廣徵益合於忠賢以興大難是時東林

盈朝自以鄉里分朋黨江西章允儒陳良訓與大中有隙而大中欲駁尚書南師仲恤典秦人亦多不悅尊素急言於大中止之最後山西尹同舉潘雲翼欲用其座主郭尚友爲山西巡撫大中以尚友數問遺朝貴執不可尊素引杜征南數遺洛中貴要爲言大中卒不可議用謝應祥難端遂作汪文言初下獄忠賢卽欲羅織諸人已知爲尊素所解恨甚其黨亦以尊素多智慮欲殺之會吳中訛言尊素欲效楊一清誅劉瑾用李實爲張永授以秘計忠賢大懼遣刺事者至吳中凡四輩侍郎烏程沈演家居奏記忠賢曰事有迹矣於是日遣使譙

明史卷二百十五 列傳 十五

訶實取其空印白疏入尊素等七人姓名遂被逮使者至蘇州適城中擊殺逮周順昌旂尉其城外人并擊逮尊素者逮者失駕帖不敢至尊素聞卽囚服詣吏自投詔獄許顯純崔應元榜掠備至勒贓二千八百五日一追比已知獄卒將害已叩首謝君父賦詩一章遂死時六年閏六月朔日也年四十三崇禎初贈太僕卿任一子福王時追諡忠端

李應昇字仲達江陰人萬曆四十四年進士授南康推官出無辜十九人於死寘大猾數人重辟士民服其公廉爲之謠曰前林後李清和無比林謂晉江林學曾卒

官南京戶部侍郎以清慎著稱者也九江南康間有柯陳二大族相傳陳友諒苗裔負固強梗嘗拒捕有司議兵之應昇單騎往諭皆叩頭聽命出所匿罪人一方以定天啓二年徵授御史謁假歸明年秋還朝時天子聞弱庶政息弛應昇上疏曰方今遼土淪沒黔蜀用兵紅夷之燄未息西部之賞日增逃兵肆掠於畿輔窮民待盡於催科逗遛習慣大將畏敵而不敢前法紀陵夷驕兵鼓譟而弗能問在在增官日日會議覆疏衍爲故套嚴旨等若空言陛下不先振竦精神發皇志氣羣臣孰肯任怨以破情面之世界者祖宗有早午晚三朝猶時

明史卷二百十五 列傳 十六

御便殿咨訪時政願俯納臣言奮然力行天下事尚可爲也報聞頃之復陳時政畧曰今天下敝壞極矣在君臣奮興而力圖之陛下振紀綱則片紙若霆大臣捐私曲則千里運掌臺諫任糾彈則百司飲冰今動議增官爲人營窟紛紜遷徙名實乖張自登萊增巡撫而侵冒百餘萬增招練監軍而侵冒又十餘萬邊關內地將領如蟻剝軍侵饑又不知幾十萬增置總督何補塞垣增置京堂何裨政事樞貳添注矣孰慷慨以行邊司空添注矣孰拮据以儲備大將添注矣祇工煤孽而縱逃逃禮兵司屬添注二三十人矣誰儲邊才而精典禮濫開

邊俸捷徑燃灰則吏治日壞白衣攘臂邪人入幕則奸弁充斥臣請斷自聖心一切報罷又言今事下部曹十九寢閣宜重申國典明正將領之罪錦衣旅尉半歸權要宜遣官巡視如京營之制衛官襲職比試不嚴宜申明舊章無使倖進將校蠶食逃軍不招私募乞見半分其饗宜力爲創懲窮民敲扑號哭滿庭奸吏侵漁福堂安坐宜嚴其法制時不能用俄効南京都御史王永光庇部郎范得志顛倒公論永光尋自引去四年正月疏陳外番內盜及小人三患議切近習魏忠賢惡之已復疏陳民隱言有十害宜急除五反宜急去帝爲戒飭所

明史卷一百一十五

列傳 七

司京師一日地三震疏請保護聖躬速停內操忠賢領東廠好用立枷有重三百斤者不數日即死先後死者六七十人應昇極言宜罷忠賢大恨應昇知忠賢必禍國密草疏列其十六罪將上爲兄所知攘其疏毀之怏怏而止楊連劾忠賢得嚴旨應昇憤即抗疏繼之中言從來奄人之禍其始莫不有小忠小信以固結主心根株既深毒手乃肆今陛下明知其罪曲賜包容彼緩則圖自全之計急則作走險之謀蕭牆之間能無隱禍故忠賢一日不去則陛下一日不安臣爲陛下計莫如聽忠賢引退以全其命爲忠賢計亦莫若早自引決以乞

帷蓋之恩不然惡稔貫盈他日欲保首領不可得矣又曰君側不清安用彼相一時寵利有盡千秋青史難欺不欲爲劉健謝遷者并不能爲東陽倘畫策投歡不幾與焦芳同傳耶時魏廣微方深結忠賢爲之謀主知應昇譏己大恨萬燦之死也應昇極言廷杖不可再士氣不可折譏切忠賢輩甚至已代高攀龍草疏劾崔呈秀呈秀窘昏夜欵門長跪乞哀應昇正色固拒含怒而去十月朔帝廟享頒曆廣微後至爲魏大中等所料廣微恚辨疏詆言者應昇復抗疏論之且曰廣微父允貞爲言官得罪輔臣以去聲施至今廣微奈何比言官路馬

明史卷一百一十五

列傳 八

斥爲此輩夫不與此輩爲伍者必別與一輩爲緣乞陛下戒諭廣微退讀父書保其家聲毋倚三窟與言官爲難他日庶可見乃父地下廣微益怒謀之忠賢將鐫秩首輔韓爌力救乃奪祿一年其月趙南星等悉被逐朝事大變明年三月工部主事曹欽程劾應昇護法東林遂削籍忠賢恨未已六年三月假李實劾周起元疏入應昇名遂逮下詔獄酷掠坐贓三千尋於閏六月二日斃之年甫三十四崇禎初贈太僕卿錄一子福王時追諡忠毅

萬燦字闇夫南昌人兵部侍郎恭孫也少好學砥礪名

行舉萬曆四十四年進士授刑部主事嘗疏論刑獄干和天啓初元兵事棘工部需才調爆工部營繕主事督治九門垣墉市銅江南皆勤於其職遷虞衡員外郎司鼓鑄時慶陵大工未竣費不貲爆知內府廢銅山積可發以助鑄移牒內官監言之魏忠賢怒不發爆遂具疏以請忠賢益怒假中旨詰責爆旋進屯田郎中督陵務其時忠賢益肆廷臣楊漣等交擊卒被嚴旨爆憤抗章極論畧言人主有政權有利權不可委臣下兄刑餘寺人哉忠賢性狡而貪膳廩而大口銜天憲手握王爵所好生羽毛所惡成瘡痍廕子弟則一世再世賚廩養則

明史卷三百五

列傳 九

千金萬金毒痛士庶斃百餘人威加搢紳空十數署一切生殺予奪之權盡爲忠賢所竊陛下猶不覺悟乎且忠賢固供事先帝者也陛下之寵忠賢亦以忠賢曾供事先帝也乃於先帝陵工畧不厝念臣嘗屢請銅斬不肯子間過香山碧雲寺見忠賢自營墳墓其規制弘敞擬於陵寢前列生祠又前建佛宇璇題耀日珠網懸星費金錢幾百萬爲己墳墓則如此爲先帝陵寢則如彼可勝誅哉今忠賢已盡竊陛下權致內廷外朝止知有忠賢不知有陛下尚可一日留左右耶疏入忠賢大怒矯旨廷杖一百斥爲民執政言官論救皆不聽當是時

忠賢惡廷臣交章劾已無所發忿思借爆立威乃命臺奄至爆邸摔而殿之比至闕下氣息纔屬杖已絕而復甦羣奄更肆蹴踏越四日卽卒時四年七月七日也忠賢恨猶不置羅織其罪誣以贓賄三百爆廉吏破產乃竣崇禎初贈光祿卿官其一子福王時諡忠貞爆杖死未幾巡城御史福清林汝翥嘗告內侍曹進傳國典忠賢矯旨杖汝翥如爆汝翥懼逃之遵化自歸於巡撫鄧漢溪以聞卒杖之汝翥起家鄉舉知沛縣徐鴻儒攻沛甚急堅守不下由此擢御史崇禎時仕至浙江副使汝翥雖受杖幸不死而是時丁乾學夏之令吳裕中劉鐸

明史卷三百五

列傳 三

吳懷賢蘇繼歐張汝諸人皆忤忠賢致死乾學浙江山陰人寄籍京師官檢討天啓四年偕給事中郝士膏典試江西發策刺忠賢忠賢怒矯旨鑄三秩復除其名已使人詐爲校尉往逮挫辱之竟憤鬱而卒崇禎初贈侍讀學士之令光山人知攸欽二縣徵授御史嘗疏論邊事力詆毛文龍不足恃忠賢庇文龍傳旨削之令籍閩臣救免及巡皇城內使馮忠等犯法劾治之益爲忠賢所銜崔呈秀亦以事銜之遂屬御史卓邁劾之令黨比熊廷弼有詔削奪項之御史倪文煥復劾之令計陷文龍幾悞疆事遂逮下詔獄坐贓拷死裕中江夏人爲順

德知縣徵授御史大學士丁紹軾陷熊廷弼死裕中有疏詆紹軾忠賢傳旨詰裕中爲廷弼姻戚代之報譽廷杖一百創重卒崇禎初賜贈廕鐸廬陵人由刑部郎中爲揚州知府憤忠賢亂政作詩書僧扇有陰霾國事非句偵者得之聞於忠賢倪文煥者揚州人也素銜鐸遂贖忠賢逮治之鐸雅善忠賢子良卿事獲解許還故官良卿從容問鐸曩錦衣往逮索金幾何曰三千金耳良卿令錦衣還之其人怒日夜伺鐸隙言鐸繫獄時與囚方震爲同謀居間遂再下獄會鐸家人有夜醮者參將張體乾誣鐸呪詛忠賢刑部尚書薛貞坐以大辟忠賢

明史卷二百四十五

列傳 三

誅貞體乾並抵罪鐸贈太僕少卿懷賢休寧人由國子監生授內閣中書舍人同官傳應昇者忠賢甥也懷賢遇之無加禮應昇恨之楊漣劾忠賢疏出懷賢書其上曰宜如韓魏公治任守忠故事卽時遣戍又與工部主事吳昌期書有事極必反反正不遠語忠賢偵知之大怒曰何物小吏亦敢謗我遂矯旨下詔獄坐以結納汪文言爲左光斗魏大中鷹犬拷掠死崇禎初贈工部主事繼歐許州人歷知元氏真定柏鄉入爲吏部稽勲主事累遷考功郎中將調文選中旨謂爲楊漣私黨削籍歸時堤騎四出同里副使孫繼錦素附忠賢遣人休繼

歐曰逮者至矣繼歐自經死崇禎初贈太常寺卿汝鄆人尚書國彥曾孫也由廕叙爲後軍都督府經歷嘗被酒詆忠賢下獄拷掠死亦獲贈恤

贊曰自古閹宦之甘心善類者莫甚於漢唐之季然皆倉卒一時爲自救計耳魏忠賢之殺諸人也揚毒燄以快其私肆無忌憚蓋主荒政秕之餘公道淪亡人心敗壞凶氣參會羣邪翕謀故搢紳之禍烈於前古諸人之受禍也酷矣哉

明史卷二百四十五終

明史卷二百四十五

列傳 三

明史卷二百四十六

列傳第一百三十四

敕修

滿朝薦

江秉謙

侯震陽

倪思輝

朱欽相

王允成

李希孔

毛士龍

滿朝薦字震東麻陽人萬曆三十二年進士授咸寧知縣有廉能聲稅監梁永縱其下劫諸生橐朝薦捕治之永怒劾其擅刑稅役詔鑄一官大學士沈鯉等論救不聽會巡撫顧其志極論永貪殘狀乃復朝薦官奪俸一歲無何永遣人疊巡按御史余懋衡事覺朝薦捕獲其

明史卷二百四十六

列傳一

人永懼率眾擄甲入縣庭吏卒早爲備無所掠而去城中數夜驚言永反或謂永宜自明永遂下教自白不反狀然蓄甲者數百而朝薦助懋衡操之急諸惡黨多亡去朝薦追之渭南頗有所格傷永懼使使繫書髮中入都訟朝薦劫上供物殺數人投屍河中帝震怒立遣使逮治時三十五年七月也既至下詔獄榜掠遂長繫中外論救自大學士朱廣以下百十疏最後四十一年秋萬壽節將居用大學士葉向高請乃與王邦才卞孔時並釋歸光宗立起南京刑部郎中再遷尚寶卿天啓二年遼東地盡失海內多故而廷臣方植黨逞浮議朝薦

明史卷二百四十六

列傳二

深慮之疏陳時事十可憂七可怪語極危切尋進太僕少卿復上疏曰比者風霾晦晦星月晝見太白經天四月雹六月冰山東地震畿內澤潦天地之變極矣四川則奢崇明叛貴川則安邦彥叛山東則徐鴻儒亂民人之變極矣而朝廷政令乃顛倒日甚一乞骸耳周嘉謨劉一燝顧命之元老以中譏去孫慎行守禮之宗伯以封典去王紀執法如山之司寇以平反去皆漠不顧惜獨惓惓於三十疏劾之沈淮卽去而猶加異數焉祖宗朝有是顛倒乎一建言耳倪思輝朱欽相等之削籍已重箝口之嗟周朝瑞惠世揚等之拂衣又中一網之計祖宗朝有是顛倒乎一邊筴耳西部索百萬之貲邊臣猶慮其未飽健兒乞錮銖之餉度支尚謂其過奢祖宗朝有是顛倒乎一棄城耳多年議確之犯或以庇厚而緩求旬日矜疑之輩反以妬深而苛督祖宗朝有是顛倒乎一緝奸耳正罪自有常律平反原無濫條遼陽之禍起於袁應泰之大納降人降人盡占居民婦女故遼民發憤招敵攻城事發倉卒未聞有何人獻送之說也廣寧之變起於王化貞之誤信西部取餉金以啖挿而不給卒伍以故人心離散敵兵過河又不聞西部策應遂至手足無措抱頭鼠竄亦事發倉卒未聞有何人獻

送之說也深求奸細不過爲化貞卸罪地耳王紀不欲殺人媚人反致削籍祖宗朝有是顛倒乎若夫閣臣之職在主持清議今章疏有妬才壞政者非惟不斥也輕則兩可重則竟行其言矣有強奸報國者非惟不納也輕則見讓重則遞加黜罰矣尤有恨者沈淮賄盧受得進及受敗又交通跋扈之奄以樹威振董偵裂之禍皆淮作俑而放流不加他若戚畹豈不當檢何至以閣寺之譏斃其三僕三宮分有常尊何至以傾國之昵僭逼母儀此皆顛倒之甚者也顧成於陛下者什之一二成於當事大臣者十之八九臣誠不忍見神州陸沈祈陞

聖卷三百六

列傳 三

下終覽臣疏與閣部大臣更紆易轍悉軌祖宗舊章臣卽從達干於地下猶生之年既奏魏忠賢激帝怒降旨切責職職爲民大學士向高申救甚力帝不納已忠賢黨撰東林同志錄朝薦與焉竟不復用崇禎二年薦起故官未上卒

江秉謙字兆豫歙人萬曆三十八年進士除鄞縣知縣用廉能徵擬授御史久不得命以葬親歸光宗立命始下入臺侃侃言事天啓元年首陳君臣虛已奉公之道規切甚至戶部尚書李汝華建議興屯請專遣御史三年課績所墜足抵年例餉銀卽擢京卿秉謙力駁其謬

因言汝華尸素宜亟罷汝華疏辨秉謙再劾之藩陽既失朝士多思熊廷弼而給事中郭鞏獨論廷弼喪師悞國請并罪閣臣劉一燝秉謙憤力頌廷弼保守危疆功且曰今廷弼勘覆已明議者猶以一人私情沒天下公論寧壞朝廷封疆不忘胸中吟域章下廷議會遼陽復失廷弼旋起經畧鞏坐妄議奪官遂與秉謙爲讐廷弼既鎮山海議遣使宣諭朝鮮發兵牽制副使梁之垣請行廷弼喜請付二十萬金爲軍貲兵部尚書張鶴鳴不予秉謙抗疏爭鶴鳴怒力詆秉謙朋黨秉謙疏辨帝不罪鶴鳴既抑廷弼專庇巡撫王化貞朝士多附會之帝

明史卷三百六

列傳 四

以經撫不和詔廷臣議秉謙言陛下再起廷弼委以重寄日疆場事不從中制乃數月以來廷弼不得措手足呼號日聞辨駁踵至執爲詞者曰經撫不和化貞主戰廷弼主守耳夫廷弼非專言守謂守定而後可戰也化貞銳意戰卽戰勝可無事守乎萬一不勝又將何以守此中利害夫人知之乃一則無言不從一則無策不棄豈真不明於戰守之說但從化貞廷弼起見耳陛下旣命廷弼節制三方則三方之進戰退守當一一聽其指揮乃化貞欲進則使廷弼從之進欲退則使廷弼隨之退化貞候進倏退則使廷弼進不知所以戰退不知所

以守是化貞有節制廷弼之權而廷弼未嘗有節制三方之權也故今日之事非經撫不和乃好惡經撫者不和非戰守之議論不合乃左右經撫者之議論不合請專責廷弼實圖戰守末議首輔葉向高兩可含糊勢必兩可掣肘安能責成功語極切至後朝議方撤廷弼而化貞已棄廣寧遁秉謙益憤以職方郎耿如杞附和鶴鳴力助化貞排廷弼致封疆喪失連疏攻之并援世宗幾丁汝夔故事乞亟寘鶴鳴於法帝以鶴鳴方行邊不當輕詆奪秉謙俸半歲如杞不問秉謙復上疏言鶴鳴一入中樞初不過鹵莽而無遠識既乃至兇狠而動殺

明史卷三百十六

列傳 五

機明知西部問謀俱虛戰守參差難合乃顧自欺以欺朝廷何處有機會而曰機會可乘何日渡河而曰渡河必勝既欲驅經畧以出關而不肯付經畧以節制既欲置廷弼於廣寧而未嘗移化貞於何地破壞封疆之罪可置弗問哉且化貞先棄地先逃猶曰功罪相半卽此一言縱寸斬鶴鳴不足贖其欺君悞國罪乃猶敢哆口定他人罪案耶當是時大學士沈淮潛結中官劉朝乳媼客氏募兵入禁中與內操給事中惠世揚周朝瑞等十二人再疏力攻秉謙與焉并詆朝及客氏內外胥怨遂假劾鶴鳴疏出秉謙於外無何郭鞏召還交通魏忠

賢力沮秉謙是冬皇子生言官被謫者悉召還獨秉謙不與家居四年間忠賢益亂政憂憤卒居數月忠賢黨御史卓邁追劾秉謙保護廷弼遂削籍崇禎初復官

侯震陽字得一嘉定人祖堯封監察御史忤大學士張居正外轉累官至福建右參政有廉直聲震陽舉萬曆三十八年進士授行人天啓初擢吏科給事中是時保姆奉聖夫人客氏方擅寵與魏忠賢及大學士沈淮相表裏勢焰張甚既遣出宮熹宗思念流涕至日旰不御食遂宣諭復入震陽疏言宮闈禁地茲瑞羣小睥睨其側內外鈞連借叢煬竈有不忍言者王聖寵而煽江京

明史卷三百十六

列傳 六

李閏之奸趙嬈寵而構曹節皇甫之變么麼里婦何堪數昵至尊哉不省會遼事棘經畧熊廷弼巡撫王化貞相抵牾兵部尚書張鶴鳴右化貞議者遂欲移廷弼與化貞畫地任事震陽逆知其必敗疏言事勢至此陛下宜遣問經臣果能加意訓練則進止遲速不從中制雖撤撫臣一以付之無不可者如不然則督其條晰陳奏以聽吏議撫拾殘局專任化貞此一說也不則移廷弼密雲而出本兵爲經畧鶴鳴素慷慨自命與其事敗同罪不若挺身報國此又一說也不則遂以經畧授化貞擇沈深有謀者代任巡撫以資後勁此又一說也不則

直移廷弼於登萊終其三方布置之策與化貞相犄角此又一說也若復遷延猶豫必僨國事疏上方有旨集議而

大清兵已破廣寧矣化貞廷弼相率入關門猶數奉溫旨責以戴罪立功震賜大憤懣再疏言臣言不幸驗矣爲今日計論法不論情河西未壞以前舉朝所惜者什七在化貞今不能爲化貞惜也河西既壞以後舉朝所寬者什九在廷弼今亦不能爲廷弼寬也策撫臣者謂宜責令還赴廣寧聯屬西部然而廩庫已竭其能赤手效包胥乎策經臣者謂宜仍責守關然所謂守者將如

聖卷三 高士 列傳 七

廷弼前議三十萬兵數十萬餉以圖後效乎抑止令率殘卒出關外姑示不殺乎凡此無一可者及今不定逃臣之律殘疆其奚賴焉其後治失事罪蓋畧如震賜疏云已遂劾大學士沈淮結納奉聖夫人及諸中官爲朋黨具發其構殺故監王安狀忠賢即日傳旨謫震賜震賜陛辭復上田賦河渠二議以逐臣不當建議再鐫二級以歸震賜在垣八月章奏凡數十上崇禎初召復故官震賜已前卒因其子主事炯會請特贈大常少卿方震賜之論客氏也給事中祁門倪思輝臨川朱欽相疏繼之帝大恚竝貶三官大學士劉一燝尚書周嘉謨等

文章論救皆不納御史吳縣王心一言之尤切帝怒貶官如之心一同官龍谿馬鳴起復抗疏諫且言客氏六不可留帝議加重譴用一燝等言奪俸一年先是元年正月客氏未出宮詔給土田二十頃爲護墳香火費又詔魏進忠侍衛有功待陵工告竣竝行敘錄心一抗疏言陛下眷念二人加給土田明示優錄恐東征將士聞而解體况梓宮未殯先念保姆之香火陵工未成強入奄侍之勤勞於理爲不順於情爲失宜不報至是與思輝欽相竝貶廷臣請召還者十餘疏皇子生詔思輝欽相心一鳴起竝復故官欽相尋擢太僕少卿楊漣既劾

明史卷一百六 列傳 八

魏忠賢欽相亦抗疏極論五年以右僉都御史巡撫福建討賊楊六蔡三鍾六等有功旋以忤忠賢除名思輝崇禎時終南京督儲尚書心一終刑部侍郎鳴起終南京右都御史王允成字述文澤州人萬曆中舉於鄉除獲鹿知縣以治行異等徵授南京御史時甲科勢重乙科多卑下之允成體貌魁梧才氣颯發欲凌甲科出其上首疏論違左失事諸臣請正刑辟熹宗即位廷臣方爭論挺擊移宮事而帝降兩諭罪選侍因言移宮後相安狀大學士方從哲封還上諭允成陳保治十事中言張差闖宮說